

**Penyokong Pas Disaran Tinggalkan Parti Itu - Ali Rustam
Bernama
9 Oktober, 2012**

MELAKA, 9 Okt (Bernama) -- Ketua Menteri Melaka Datuk Seri Mohd Ali Rustam menyarankan penyokong PAS agar meninggalkan parti itu yang perjuangan politiknya kini tidak lagi menepati kehendak Islam apabila bekerjasama dengan DAP.

Beliau berkata perjuangan PAS dilihat lebih mementingkan kuasa dan undi daripada memperjuang agama Islam.

"Memang dari dulu kita (Barisan Nasional) dah beritahu, PAS tidak lagi perjuangan Islam," katanya kepada pemberita di sini, Selasa.

Beliau berkata demikian ketika diminta mengulas pengakuan ahli seumur hidup PAS Prof Emeritus Datuk Dr Shahnon Ahmad bahawa parti itu hanya menuruti kehendak politik DAP dan pendekatan seumpama itu bercanggah dengan kehendak Islam.

Mohd Ali turut memuji pengakuan Sasterawan Negara itu dan menganggap ia satu tindakan yang tepat dalam usaha memastikan masyarakat Islam tidak terkeliru dengan perjuangan tersebut.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=700684>